



## INFORME TÉCNICO

Expediente: 761 / 20  
Asunto: Tratamentos silvícolas.  
Situación: monte carantoña  
Concello: Vimianzo

### Afectación ao patrimonio cultural:

As actuacións afecta a protección integral e ao contorno de protección dos seguintes bens que figuran no catálogo do Normas Subsidiarias e/ou no Decreto 83/2018, do 26 de xullo, polo que se aproba o Plan básico autonómico de Galicia:

- GA15092062, Mámoa de Estivada Aberta 2
- GA15092063, Mámoa de Estivada Aberta 1


De acordo co disposto nos artigos 8 e 30 da Lei 5/2016, do 4 de maio, do patrimonio cultural de Galicia, os bens, que polo seu interese cultural están recollidos individualmente nun instrumento do planeamento urbanístico, teñen a consideración de bens catalogados.

Ao afectar a intervención a bens catalogados, segundo o artigo 39 e conforme co 45 da Lei 5/2016, do 4 de maio, do patrimonio cultural de Galicia, precisa de autorización previa da consellería con competencias en patrimonio cultural.

### Antecedentes e feitos:

A solicitude de autorización, enviada polo xefe do servizo de Montes de A Coruña, ten entrada no Rexistro Xeral da Xunta de Galicia o día 06.04.2020 (entrada 2020 / 430220)

Os traballos que se pretenden executar veñen definidos na seguinte documentación: "Shapes e escrito con petición de informe sobre afección relacionado co aproveitamento madeirable lote 004/20 monte Carantoña (Vimianzo)", e escrito de remisións asinado polo xefe do servizo Santiago Barros Fernández, o 06.04.2020.



### Descrición e análise da proposta:

As actividades solicitada non se encontra adecuadamente definida, non obstante dedúcese que parte dos traballos son de corta de árbores de varias especies.

Os traballos de corta sitúanse sobre a protección integral e no contorno de protección dos bens arqueolóxicos. Os traballos en principio non implican movementos de terras nestes ámbitos protexidos e non teñen que producir danos nas mámoas, non obstante a utilización de maquinaria para a trituración e o transporte das árbores pode chegar a causar algunha alteración sobre os mesmos. Por elo, faise necesario establecer unha serie de cautelas.

Atendendo a todo o anterior, **infórmase favorablemente a solicitude de tala e transporte, coas condicións seguintes:**

- 1) Antes do inicio dos traballos solicitados, ou de calquera actividade non arqueolóxica relacionada con eles, **un arqueólogo** localizará e identificará sobre o terreo, e na área de traballo, os xacementos afectados.
  - 2) A totalidade das mámoas serán balizadas para a súa protección a unha distancia mínima de 7/10 metros desde a periferia da masa tumular. O balizado deberá ser feito por un arqueólogo e a superficie comprendida dentro do seu perímetro terá a consideración de **ámbito de protección integral (API)**. Todos os traballos nestes ámbitos realizaranse baixo a supervisión do arqueólogo e de xeito manual.
- Dentro do API non poderá circular maquinaria nin vehículos de ningún tipo nin tampouco se poderán almacenar ou depositar materiais de calquera clase.



- Os ámbitos de protección integral deberán quedar libres de vexetación, tanto arbustiva como de mato, manténdose así no futuro. E deles non se poderán arrancar as cachopas ou raíces resultantes da corta nin realizar ningunha outra remoción de terras, aínda que sexa superficial
  - As árbores serán cortadas polo pé e os arbustos serán rozados mediante motorozadoras de man, non permitíndose o uso de maquinaria pesada.
  - Nestas áreas balizadas non se farán moreas de biomasa ou de restos de poda. Non se permitirá o paso das maquinas nestes ámbitos.
  - Non se realizarán apertura de novos accesos, pistas ou outro tipo de actividades complementarias que poidan alterar o substrato ou as estruturas arqueolóxicas. Empregaranse as pistas existentes, sen modificar o seu ancho, trazado nin rasante.
- 3) **Unha vez rematados os traballos silvícolas, deberá ser presentada neste servizo de patrimonio cultural unha memoria**, redactada por arqueólogo, na que se verifique documentalmente o proceso seguido e o cumprimento das presentes condicións.

A Coruña, 18 de maio de 2020

A arqueóloga do Servizo de Xestión Cultural

M<sup>a</sup> del Carmen Mariño Domínguez

